



# Խաչիկ Դաշտենց

## Մեր Ակսելը

Մթնածորի կեռմաններով,  
Մելը բարձած շուշաններով  
Տուն էր գալիս մեր Ակսելը.  
Օ՛, որքան դժվար էր ելը:  
Ձորում նրան կերավ գելը,  
Ճամփին մնած նրա սելը,  
Չհասնելով մինչև Գորիս  
Մնաց մի կանջ՝ «Կյորի՛ս, Կյորի՛ս...»  
Հավերժություն մեր Ակսելին,  
Անտառից դուրս ճամփի եզրին  
Մենակ կանգնած նրա սելին:  
Բարձած լեռան շուշաններով,  
Մանուշակով, ալպյան խոտով,  
Մթնածորի անուշ հոտով:  
1958